



SLUŽBENI GLASNIK GRADA KONJICA

Broj: 6

Konjic, 02.06.2023.



SADRŽAJ

1. Odluka o izmjenama i dopunama Odluke o izvršenju Budžeta Grada Konjica za 2023.godinu	2168
2. Odluka o dodjeli jednokratne finansijske podrške maturantima Grada Konjica za školsku godinu 2022/2023.	2169
3. Odluka o označavanju i evidentiranju naseljenih mjesta, naselja, ulica, trgova i obilježavanju zgrada i građevinskih parcela kućnim brojevima	2170
4. Odluka o davanju saglasnosti za rekonstrukciju regionalnog puta R-437, Ostrožac-Fojnica, dionica Košpina Luka –Džanići, poddionica Košpina Luka-skretanje za selo Lipovce	2171
5. Odluka o davanju na korištenje poslovnog prostora u vlasništvu Grada Konjic	2172
6. Odluka o utvrđivanju kandidata ispred osnivača za članove Nadzornog odbora u PD „Šumarstvo Prenj“ d.d. Konjic	2173
7. Odluka o davanju na usaglašavanje djelatnosti sa Klasifikacijom djelatnosti u BIH JU „Centar za socijalni rad“ Konjic u Konjicu	2174
8. Odluka o Javnom pravobranilaštvu Grada Konjica	2175
9. Rješenje o konačnom imenovanju predsjednika i članova Upravnog odbora JU Dječije obdanište „Zulejha Begeta“Konjic	2176
10. Odluka o usvajanju Program rada Agencije za ekonomski razvoj „Prvi Korak“ d.o.o.Konjic za 2023. godinu	2177
11. Odluka o usvajanju izvještaja o radu RTV d.o.o.Konjic za 2022.godinu (sa priložima)	2178
12. Odluka o usvajanju izvještaja o radu Ustanove Narodni univerzitet Konjic u Konjicu za 2022.godinu (sa priložima)	2179
13. Odluka o usvajanju izvještaja o radu „Saveza Poljuprivrednih udruženja Konjic“ za 2022. godinu (sa priložima)	2180
14. IZVOD IZ REGISTRA BUDŽETSKIH KORISNIKA ZA 2024. GODINU	2181

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3128/23
Konjic, 31.05.2023. godine

Na osnovu člana 7. stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/2013, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 16. Statuta Grada Konjica („Službeni glasnik Grada Konjica“, broj: 10/22), Gradsko vijeće na sjednici održanoj dana 31.05.2023. godine, donijelo je

ODLUKU
o izmjenama i dopunama
Odluke o izvršavanju Budžeta Grada Konjica za 2023. godinu

Član 1.

U Odluci o izvršavanju budžeta Grada Konjica za 2023 godinu (broj: 03-02-2-4630/22 od 30.12.2022 godine) u članu 18. u stavu (6) dodaje se rečenica:

„Na teret ovog ekonomskog koda vršit će se i isplate jednokratne finansijske podrške maturantima srednjih škola, a na osnovu odluke Gradskog vijeća kojom će se definisti visina, uslovi za ostvarivanje ove jednokratne finansijske podrške i način realizacije.“

Član 2.

Odluka o izmjenama i dopunama Odluke o izvršavanju budžeta Grada Konjica za 2023 godinu stupa na snagu danom donošenja i objavit će se u „Službenom glasniku Grada Konjica“, a primjenjivat će se za fiskalnu 2023. godinu.

Predsjednik Gradskog vijeća
Kenan Greda, s.r.

BOSNA I HERCEGOVINA
 FEDERACIJA BOSNE I HERCEGOVINE
 HERCEGOVAČKO-NERETVANSKI KANTON
 GRAD KONJIC
 GRADSKO VIJEĆE

Broj: 03-02-2-3129/23
 Konjic, 31.05.2023. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 16. Statuta Grada Konjica ("Službeni glasnik Grada Konjica", broj: 10/22), Odluke o donošenju budžeta za 2023. godinu ("Službeni glasnik Grada Konjica", broj: 10/22), Gradsko vijeće na sjednici održanoj dana 31.05.2023. godine **d o n o s i**

O D L U K U
o dodjeli jednokratne finansijske podrške maturantima Grada Konjica
za školsku godinu 2022./2023.

Član 1.

Odlukom o dodjeli jednokratne finansijske podrške maturantima Grada Konjica za školsku godinu 2022./2023. (u daljem tekstu: Odluka) propisuje se visina, uslovi i način isplate jednokratne finansijske podrške (u daljem tekstu: Podrška) maturantima, odnosno učenicima završnih razreda srednje škole koji u školskoj 2022./2023. godini imaju maturu.

Član 2.

Sredstva za Podrške obezbjeđena su u Budžetu Grada Konjica za 2023. godinu na ekonomskom kodu 614 234 i isplatit će se svim maturantima koji ispunjavaju uslove za Podršku propisane ovom Odlukom u iznosu od 200,00 KM (slovima: dvijestotinekonvertibilnih maraka i 00/100 KM)

Član 3.

Pravo na Podršku imaju maturanti koji ispunjavaju sljedeće uslove:

- da su učenici završnih razreda srednje škole na području Grada Konjica, odnosno imaju mature u školskoj 2022./2023. godini,
- da imaju prebivalište i žive na području Grada Konjica, a učenici su završnih razreda srednje škole u drugim općinama/gradovima, odnosno imaju mature u školskoj 2022./2023. godini,

Član 4.

Kako bi ostvarili pravo na isplatu Podrške, maturanti su dužni:

- ukoliko pohađaju srednju školu na području Grada Konjica nalaziti se na popisu maturanata koji je sačinio direktor srednje škole na području Grada Konjica, te dostaviti popunjen zahtjev za dodjelu Podrške sa potrebnom dokumentacijom i brojem žiro računa na koji će se izvršiti isplata Podrške,
- ukoliko pohađaju srednje škole u drugim općinama/gradovima, dostaviti popunjen zahtjev za dodjelu Podrške uz potvrdu srednje škole da su učenici završnog razreda srednje škole u školskoj godini 2022./2023., te CIPS prebivališta i broj žiro računa na koji će se izvršiti isplata Podrške.

Obrazac zahtjeva za dodjelu Podrške po ovoj Odluci može se preuzeti na zvaničnoj web stranici Grada Konjica www.konjic.ba,

Član 5.

Za realizaciju ove Odluke zadužuju se Gradonačelnik i nadležne gradske službe. Isplata Podrške će se vršiti na žiro račune maturanata, po dostavljenoj potrebnoj dokumentaciji i provjeri ispunjavanja uslova za isplatu.

Član 6.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3130/23
Konjic, 31.05.2023. godine

Na osnovu članova 7, 8, i 9. Zakona o načinu označavanja i evidentiranju naseljenih mjesta, ulica, trgova i kućnih brojeva („Službene Novine HNK“, broj: 7/13), a u skladu sa članom 13. stav 2. tačka 9. Zakona o principima lokalne samouprave Federacije BiH („Službene novine FBiH“, broj: 49/06 i 51/09) i članom 16. stav 1. tačka 10. Statuta Grad Konjic („Službeni glasnik Grad Konjic“ broj: 10/22), Gradsko vijeće Konjic, na sjednici održanoj dana 31.05.2023. godine donijelo je

ODLUKU

**o označavanju i evidentiranju naseljenih mjesta, naselja,
ulica, trgova i obilježavanju zgrada i građevinskih parcela kućnim brojevima**

I UVODNE ODREDBE

Član 1.

Ovom Odlukom uređuju se označavanje naseljenih mjesta, naselja, trgova i ulica, način označavanja naseljenih mjesta, naselja, ulica i trgova nazivima, te zgrada i građevinskih parcela kućnim brojevima, kao i vođenje Registra naselja, ulica, trgova i kućnih brojeva.

Član 2.

Označavanje naseljenih mjesta, naselja, ulica i trgova nazivima, utvrđivanje kućnih brojeva, označavanje zgrada i građevinskih parcela kućnim brojevima i vođenje Registra kućnih brojeva, ulica, trgova i naseljenih mjesta iz člana 1. ove Odluke obavlja Služba za katastar, urbanizam i imovinsko-pravne poslove Grad Konjic (u daljem tekstu: Služba).

Član 3.

Nazivi naseljenih mjesta, naselja, ulica i trgova ispisuju se latinicom.
Slovne oznake, nazivi naseljenih mjesta, naselja, ulica i trgova ispisuju se velikim slovima.

II PROSTORNE JEDINICE GRADA KONJIC

Član 4.

Naseljima kao dijelovima naseljenih mjesta, ulicama i trgovima određuju se nazivi.

Član 5.

Na području Grada Konjic nazivima se označavaju sljedeća naseljena mjesta:
Argud, Bale, Bare, Barmiš, Bijela, Bjelovčina, Blace, Blučići, Boždarevići, Borci, Bradina, Brda, Brđani, Budišnja Ravan, Bukovica, Bukovlje, Bulatovići, Bušćak, Buturović Polje, Čelebići, Čelina, Cerići, Česim, Čičevo, Cmi Vrh, Čuhovići, Džajići, Džanići, Džepi, Din Do, Dobričevići, Doljani,

Dolovi, Donja Vratna Gora, Donje Selo, Donje Višnjevice, Donji Čažanj, Donji Gradac, Donji Nevizdraci, Donji Prijeslop, Došćica, Dužani, Dubočani, Duboko, Dubravice, Dudle, Falanovo Brdo, Gakići, Galjevo, Gapići, Glavatičevo, Gobelovina, Gorani, Goransko Polje, Gorica, Gornja Vratna Gora, Gornje Višnjevice, Gornji Čažanj, Gornji Gradac, Gornji Nevizdraci, Gostovići, Grabovci, Gradeljina, Grušča, Hasanovići, Herići, Homatlije, Homolje, Hondići, Hotovlje, Idbar, Jasenik, Javorik, Ježeprosina, Jezero, Jošanica, Kale, Kanjina, Kašići, Konjic, Kostajnica, Koto, Konjic (uže područje Graad), Krajkovići, Kralupi, Krtići, Krupac, Kruščica, Kula, Ladanica, Lisičići, Ljesovinja, Ljubuča, Ljusići, Ljuta, Ljuta (Kalinovik), Lokva, Luka, Luko, Lukomir, Lukšije, Mirac, Mladeškovići, Mokro, Mrkosovice, Obrenovac, Obri, Odžaci, Orahovica, Orlišće, Oteležani, Ovčari, Pačerani, Parsovići, Plavuzi, Požetva, Podhum, Podorašac, Pokojišće, Polje, Polje Bijela, Prevlje, Radešine, Rajac, Raotići, Rasvar, Razići, Redžići, Repovci, Repovica, Ribari, Ribići, Seljani, Seljani (Kalinovik), Seonica, Sitnik, Slavkovići, Solakova Kula, Sopot, Spiljani, Sreće, Stojkovići, Strgonice, Studenčica, Sultići, Šunji, Svijenča, Tinje, Tovarnica, Treboje, Trešnjevica, Trusina, Tuhobići, Turija, Ugošće, Veluša, Vinišće, Vrbljani, Vrci, Vrdolje, Zabrdani, Zabrdje, Zagorice, Zaslivlje, Zelomići, Zukići i Živašnica.

Član 6.

Nazivi ulica i trgova dodjelju se u naseljenim mjestima: Konjic, (uže područje Grada), Ovčari i Polje Bijela.

Za ostala naseljena mjesta ne dodjeljuju se nazivi ulica i trgova.

Izuzetno od odredbi stava 2 ovog člana posebna područja za dodjelu kućnih brojeva mogu se odrediti privrednim zonama u granicama definisanim prostornim planom.

Član 7.

Nazivi naselja, ulica i trgova u urbanom području Grada Konjic utvrđeni su Odlukom o utvrđivanju naziva ulica, trgova, mostova i naseljenih kvartova u urbanom području grada Konjica, broj. 01-012-50/96 od 29.2.1996. godine, Odlukom o izmjeni i dopuni Odluke o utvrđivanju naziva ulica, trgova, mostova i naseljenih kvartova u urbanom području grada Konjica, broj. 01-023-3/99 od 25.3.1999. godine i Odlukom o izmjeni i dopuni Odluke o utvrđivanju naziva ulica, trgova, mostova i naseljenih kvartova u urbanom području grada Konjica, broj. 03-05-12-2045/05 od 30.11.2005. godine.

III OZNAČAVANJE NAZIVA ULICA I TRGOVA

Član 8.

Naseljeno mjesto i naselje označavaju se pločom i nazivom naseljenog mjesta odnosno naselja.

Pločom i nazivom naseljenog mjesta smatra se saobraćajni znak „naziv naseljenog mjesta“ koji se izrađuje i postavlja prema posebnom propisu o saobraćajnim znacima.

Izuzetno od odredbi stava 1. ovog člana, na lokalnim i nerazvrstanim cestama, naseljeno mjesto i naselje označava se pločom od trajnog materijala plave boje na kojoj je ispisan naziv naseljenog mjesta odnosno naselja bijelom bojom latiničnim pismom, veličine ne manje od 60x40 cm, postavljenoj na posebnim stubovima, s desne strane ceste, na ulazu u građevinsko područje naseljenog mjesta odnosno naselja.

Član 9.

Označavanje naziva ulica i trgova obavlja se postavljanjem tabli od trajnog materijala plave boje minimalnih dimenzija 50x30 cm, na kojoj su nazivi ulica i trgova ispisani bijelom bojom latiničnim pismom, tako da se:

- a) u svakoj ulici, na početku i na kraju ulice, te na svakom značajnijem raskrižju s obje strane postave table,
- b) na svakom trgu na mjestima spajanja ulica s trgom, na desnu stranu izlaska sa ulice na trg postave table.

Ploča sa nazivom ulice i trga postavlja se na zgrade, po mogućnosti na visini 2,5 metara od tla. Ako na mjestu gdje je potrebno ploču postaviti nema zgrade, ako je zgrada zaklonjena ili udaljena od trotoara tako da natpis na ploči nije uočljiv, ploča sa nazivom ulice ili trga postavlja se na zaseban nosač (stup, okvir i sl) minimalne visine 2,5 metara.

Table s nazivima ulica postavljaju se u skladu sa Planom označavanja kojeg odobrava Služba.

IV OZNAČAVANJE ZGRADA I GRAĐEVINSKIH PARCELA KUĆNIM BROJEVIMA

Član 10.

Pločica sa kućnim brojem postavlja se na zgradu tako da je vidljiva s ulice odnosno javne ili druge ceste od koje se pristupa zgradi i to desno od ulaza, neposredno izad ulaza ili na dijelu zgrade koji je bliži ulazu.

Označavanje građevinskih parcela kućnim brojevima obavlja se postavljanjem tablica na posebnom stubu visine 2,5 metara, u lijevom uglu parcele od glavne ulice, odnosno puta, ako je parcela ograđena postavljanje tablica vrši se na ulazu parcele vodeći računa o njihovoj vidljivosti.

Tablica sa kućnim brojem iz stavova 1. i 2. ovog člana izrađuje se od trajnog materijala plave boje minimalnih dimenzija 20x15 cm na kojoj je kućni broj ispisan bijelom bojom.

Table za obilježavanje zgrada u naseljenim mjestima i naseljima koja nisu podjeljena na ulice i trgove, na pločici ispod broja zgrade upisuje se naziv naseljenog mjesta.

Dodjela kućnih brojeva po ulicama, trgovima, naseljima i naseljenim mjestima vrši se u skladu sa Planom dodjele kućnih brojeva kojeg odobrava Služba.

V OSTALE ODREDBE O OZNAČAVANJU NASELJENIH MJESTA, ULICA I TRGOVA, ZGRADA I GRAĐEVINSKIH PARCELA

Član 11.

Nabavku i postavljanje tabla sa nazivima naseljenih mjesta, naselja, ulica, trgova i tablica sa kućnim brojevima vrši Grad Konjic, putem ovlaštenog privrednog društva izabranog kao najpovoljnijeg ponuđača na osnovu Zakona o javnim nabavkama BiH.

Prostorni obuhvat unutar kojeg se vrši postavljanje tabli sa nazivima naselja, ulica i trgova i tablica sa kućnim brojevima određuju se projektnim zadatkom u skladu sa iskazanom potrebom odnosno u skladu sa raspoloživim finansijskim sredstvima predviđenim budžetom Grada Konjic.

Prilikom postavljanja tabli s nazivima ulica i trgova i tablica sa kućnim brojevima izrađuje se poseban dokument kojim se dokumentira postavljanje iste i koji sadrži podatke potrebne za evidentiranje u Registru.

Član 12.

Troškove označavanja naseljenih mjesta, ulica i trgova nazivima (nabavka i postavljanje tabli) i troškove održavanja tabli snosi Grad Konjic.

VI REGISTAR PROSTORNIH JEDINICA

Član 13.

Služba za geodetske i imovinsko-pravne poslove i katastar nekretnina, uspostavlja i vodi Registar naselja, ulica, trgova i kućnih brojeva na području Grada Konjic u skladu sa Zakonom o načinu

označavanja i evidenciji naseljenih mjesta, ulica i trgova i kućnih brojeva („Sl.novine HNK“, broj: 7/13).

VII NADZOR

Član 14.

Gradski komunalni inspektor dužan je pratiti provođenje ove Odluke, kao i vršiti nadzor u smislu otkrivanja protivpravnih radnji propisanih članom 33. Zakona o načinu označavanja i evidenciji naseljenih mjesta, ulica i trgova i kućnih brojeva („Sl.novine HNK“, broj: 7/13).

VIII PRELAZNE I ZAVRŠNE ODREDBE

Član 15.

Odluka stupa na snagu danom objavljivanja u Službenom glasniku Grada Konjic i ima se objaviti na oglasnoj tabli Grada Konjic i Web stranici Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3131/23
Konjic, 31.05.2023. godine

Na osnovu člana 14 stav 3 Zakona o eksproprijaciji Federacije BiH ("Službene novine Federacije BiH", broj: 70/2007, 36/2010, 25/2012, 8/15 i 34/2016)" i člana 16. Statuta Grada Konjica ("Službeni glasnik Grada Konjica", broj: 10/22), Gradsko vijeće na sjednici održanoj dana 31.05.2023. godine donosi:

O D L U K U

o davanju saglasnosti za rekonstrukciju regionalnog puta R-437, Ostrožac-Fojnica, dionica Košpina Luka – Džanići, poddionica Košpina Luka-skretanje za selo Lipovce

Član 1.

Daje se pozitivno mišljenje i saglasnost Vladi Hercegovačko-neretvanskog kantona da može utvrditi javni interes za rekonstrukciju regionalnog puta R-437, Ostrožac-Fojnica, dionica Košpina Luka – Džanići, poddionica Košpina Luka-skretanje za selo Lipovce.

Član 2.

Odluka stupa na snagu danom objavljivanja u Službenom glasniku Grada Konjica i ima se objaviti i na oglasnoj tabli Grada Konjica.

Predsjednik Gradskog vijeća
Kenan Gređa, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3132/23
Konjic, 31.05.2023. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06, 51/09), člana 16. Statuta Grada Konjica ("Službeni glasnik Grada Konjica", broj: 10/22) i Odluke o dodjeli u zakup poslovnih zgrada i prostorija Grada Konjica ("Službeni glasnik Grada Konjica", broj: 2/23) Gradsko vijeće Grada Konjica na sjednici održanoj dana 31.05.2023. godine donijelo je

ODLUKU **o davanju na korištenje poslovnog prostora u vlasništvu Grada Konjic**

Član 1.

Ovom Odlukom daje se Abaza Sabahudinu, na korištenje poslovni prostor u ulici Donje polje bb - poslovni prostor br. 3 vlasništvo Grada Konjica Konjic, površine 14,00 m², uz mjesečnu naknadu od 115,00 KM + PDV.

Član 2.

Poslovni prostor iz člana 1. ove Odluke se daje se na korištenje na period do 5 /pet/ godina, od dana potpisivanja Ugovora o zakupu poslovnog prostora.

Član 3.

Imenovani iz člana 1. ove Odluke za sve eventualne investicione radove i bilo kakvu rekonstrukciju i zahvate na navedenom prostoru dužan je da prethodno pribaviti saglasnost Grada Konjica, te nema pravo tražiti bilo kakvu nadoknadu učinjenih izdataka u smislu osmišljavanja datog poslovnog prostora za obavljanje svoje djelatnosti.

Član 4.

Sve troškove koji nastanu po osnovu redovnog održavanja i korištenja prostora (voda, smeće, telefon, električna energija, grijanje) snosi korisnik poslovnog prostora.

Član 5.

Ovlašćuje se Gradonačelnik Grada Konjica da sa imenovanim iz člana 1. ove Odluke zaključi Ugovor o uslovima i načinu korištenju poslovnog prostora.

Član 6.

Odluka stupa na snagu danom objavljivanja u "Službenom glasniku Grada Konjic" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
 FEDERACIJA BOSNE I HERCEGOVINE
 HERCEGOVAČKO-NERETVANSKI KANTON
 GRAD KONJIC
 GRADSKO VIJEĆE

Broj: 03-02-2-408723
 Konjic, 31.05.2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06, 51/09), člana 3.stav 3. Odluke o utvrđivanju standarda i kriterija za imenovanja na upražnjene pozicije u reguliranim organima Općine Konjic („Službeni glasnik Općine Konjic“ broj: 4/22) i člana 16. Statuta Grada Konjic („Službeni glasnik Grada Konjica“ broj: 10/22) Gradsko vijeće Grada Konjica na sjednici održanoj dana 31.05. 2023. godine **d o n o s i**

O D L U K U

o utvrđivanju prijedloga kandidata ispred osnivača za članove Nadzornog odbora u PD "Šumarstvo Prenj" d.d. Konjic

Član 1.

Utvrđuje se prijedlog kandidata ispred reda osnivača u Nadzorni odbor PD "Šumarstvo Prenj" d.d. Konjic, u sastavu;

1. Alić Sead, iz reda osnivača,
2. Hodžić Husein, iz reda osnivača.

Član 2.

Imenovanje se vrši na period od 4 (četiri) godine od konačnog imenovanja Nadzornog odbora od strane Skupštine društva .

Član 3.

Nadzorni odbor:

- vrši kontrolu materijalno-finansijskog poslovanja,
 - prati provođenje poslovne politike,
 - imenuje upravu i nadzire rad uprave,
 - usvaja izvještaj uprave o poslovanju u polugodišnjem i godišnjem obračunu, sa bilansom stanja i bilansom uspjeha,
 - podnosi osnivaču izvještaj o poslovanju društva koji uključuje izvještaj revizora,
 - predlaže način upotrebe dobiti i način pokrića gubitka,
 - vrši sve ostale ovlasti utvrđene članom 247. Zakona o privrednim društvima (Službene novine FBiH broj: 81/15 i 75/21),
- Nadzorni odbor je dužan postupati u skladu sa Zakonom u okviru datih ovlaštenja, te redovno izvještavati osnivača o svim svojim aktivnostima.

Član 4.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
 Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3133/23
Konjic, 31.05.2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), odredbi Uredbe sa zakonskom snagom o ustanovama („Službeni list R BiH“ broj 6/92, 8/93 i 13/94), člana 16. Statuta Grada Konjica („Službeni glasnik Grada Konjica“ broj: 10/22) Gradsko vijeće Grada Konjica na sjednici održanoj dana 31.05. 2023. godine **d o n o s i**

O D L U K U

**o davanju Saglasnosti na usaglašavanje djelatnosti sa Klasifikacijom djelatnosti u BiH
JU "Centar za socijalni rad" Konjic u Konjicu**

Član 1.

Daje se saglasnost Upravnom odboru Javne ustanove "Centar za socijalni rad" Konjic u Konjicu na Odluku o usaglašavanju djelatnosti sa Klasifikacijom djelatnosti u BiH.

Član 2.

Odluka o usaglašavanju djelatnosti sa Klasifikacijom djelatnosti u BiH je urađena u skladu sa Uredbom sa zakonskom snagom o ustanovama (Službeni list R BiH broj 6/92, 8/93 i 13/94) te u skladu sa Klasifikacijom djelatnosti BiH (Službeni glasnik BiH 47/10).

Član 3.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3134/23
Konjic, 31.05.2023. godine

Na osnovu člana 21,22. stav2.,35,38,40,42,48. Zakona o javnom pravobranilaštvu HNK („Službene novine HNK“ br.8/99,3/04 i 11/08) i čl.17 Zakona o Gradu Konjicu („Službene novine Federacije BiH“ 17/22), član 16. Statuta Grada Konjica („Službeni glasnik grada Konjica“, 10/22) Gradsko vijeće grada Konjica na sjednici održanoj 31.05.2023.godine donosi:

ODLUKU O
JAVNOM PRAVOBRANILAŠTVU
GRADA KONJICA

LOPCE ODREDBE

Član 1.

Grad Konjic (u daljem tekstu: Grad) osniva Javno Pravobranilaštvo grada Konjica (u daljem tekstu: Pravobranilaštvo) kao organ nadležan da preduzima mjere i pravna sredstva radi zaštite imovine i imovinskih interesa Grada.

Član 2.

Pravobranilaštvo svoju funkciju vrši u skladu sa Ustavom, Zakonom i drugim propisima i općim aktima.

Član 3.

Državni organi, preduzeća i druga pravna lica koji posjeduju podatke i obavještenja o ugrožavanju, narušavanju ili osporavanju prava i stvari u vlasništvu Općine dužni su iste dostaviti Pravobranilaštvu radi preduzimanja pravnih radnji, mjera i sredstava za koje je Pravobranilaštvo zaduženo.

Organi i pravna lica iz prethodnog stava dužni su na zahtjev Pravobranilaštva, dostaviti podatke, obavještenja i spise koji su potrebni za preduzimanje radnji za koje je Pravobranilaštvo ovlašteno.

Pravobranilaštvo i na vlastitu inicijativu preduzima pravne radnje i sredstva za ostvarivanje funkcije iz člana 1.ove odluke .

Kada Pravobranilaštvo mora postupati u propisanom zakonskom roku, organi i organizacije iz stava 1. i 2.ovog člana dužni su da pravobraniocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja organa i organizacije iz stava

1. i 2. ovog člana, nastupi šteta za Grad Konjic ili druge subjekte koje zastupa, Pravobranilaštvo o tome obavještava organ koji je ovlašten da vrši nadzor nad radom tog organa ili organizacije i Gradonačelnika, te rukovodiocu zastupanog organa ili organizacije podnosi zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete.

Član 4.

Pravobranilaštvo ima pečat u skladu sa kantonalnim i općinskim propisima o pečatima. Sjedište Javno Pravobranilaštva ima sjedište u Grada Konjicu u ul. Maršala Tita 62.

Pečat Pravobranilaštva ima sljedeći izgled :

Jedan pečat okruglog izgleda promjera 50 mm bez bročane oznake. Pečat sadrži tekstualni dio sljedećeg sadržaja

- 1) Bosna i Hercegovina-Federacija Bosne i Hercegovine
- 2) Hercegovačko-neretvanski kanton-županija
- 3) Grad Konjic
- 4) JAVNO PRAVOBRANILAŠTVO GRADA KONJICA

Tekst pečata mora biti pisan latiničnim pismom na bosanskom i hrvatskom jeziku u 4 koncentrična kruga oko grba Grada i to sljedećim redoslijedom:

- 1) U najveći koncentrični krug, odnosno u prvi krug od strane ruba pečata, manjim slovima, upisuje se naziv Bosna i Hercegovina-Federacija Bosne i Hercegovine
- 2) U drugi koncentrirani krug od ruba pečata, manjim slovima, upisuje se naziv: Hecegovačko-neretvanski kanton-županija
- 3) U treći koncentrični krug od ruba pečata, velikim slovima, upisuje se naziv: GRAD KONJIC
- 4) U četvrti koncentrični krug od ruba pečata, velikim slovima, upisuje se naziv: JAVNO PRAVOBRANILAŠTVO GRADA KONJICA
- 5) GRB GRADA KONJICA

Član 5.

Federalni i kantonalni propisi kojima se uređuje radno-pravni status državnih službenika namještenika i propisi o naknadama i drugim materijalnim pravima koji nemaju karakter plaće u organima državne službe shodno se primjenjuju i na državne službenike namještenike u Pravobranilaštvu Grada.

II NADLEZNOSTI I ORGANIZACIJA PRAVOBRANILASTVA

1. Nadležnost Pravobranilastva

Član 6.

Pravobranilaštvo vrši poslove pravne zaštite imovine i imovinskih interesa Grada i njenih organa, stručnih službi i drugih institucija koje se finansiraju iz Budžeta Grada ili čiji je Grad osnivač. Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač odnosno suosnivač Grad, a po zahtjevu osnivača odnosno suosnivača.

Član 7.

Poslove zastupanja gradskih i drugih organa, preduzeća i drugih pravnih lica iz člana 6. ove Odluke Pravobranilaštvo vrši u svim sudskim postupcima i upravnom postupku, u skladu sa Zakonom.

Član 8.

U vršenju poslova zastupanja Pravobranilaštvo je ovlašteno da preuzima sve radnje koje preuzima stranka u postupku.

Član 9.

Pravobranilaštvo može da zastupa i druga pravna lica na njihov zahtjev, ako vršenje tih poslova ne utiče na blagovremeno i uspješno izvršavanje njegovih funkcija utvrđenih ovom odlukom.

Član 10.

Državni i drugi organi, preduzeća i druga pravna lica iz člana 6. ove Odluke dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preuzima druge zakonom određene pravne radnje, te da mu dostave svu potrebnu dokumentaciju .

Poslove zastupanja organa i pravnih lica iz člana 6. ove Odluke Pravobranilaštvo vrši u svim sudskim i upravnim postupcima, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interes Grada.

Ukoliko pravomoćnom presudom bude utvrđen nezakonit rad ili odluka zastupanog organa ili organizacije , Pravobranilaštvo o tome obavještava organ koji vrši nadzor nad radom tog organa ili organizacije i Gradonačelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za ne zakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava-1. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo.

Član 11.

U vršenju poslova zastupanja, Pravobranilaštvo je ovlašteno da preuzima sve radnje koje preuzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povuci tužbu ili da ne treba izjaviti određeni pravni lijek, obavještava o tome subjekt kojeg zastupa.

Ako se ne postigne saglasnost u mišljenju ili ako subjekta ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa .

Član 12.

Ako Pravobranilaštvo treba shodno svojim ovlaštenjima da zastupa stranke čiji su interesi u suprotnosti a jedna od njih je Grad, Pravobranilaštvo će zastupati Grad.

U slučaju da Pravobranilaštvo treba po zakonu da zastupa stranke čiji su interesi u suprotnosti, a nijedna od tih stranaka nije Grad, Pravobranilaštvo neće zastupati te stranke.

Član 13.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Grada, obavezno se pribavlja mišljenje pravobranioca.

Član 14.

Pravobranilaštvo pruža stručnu pomoć organima i pravnim licima iz člana 6. ove odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenošenju na trajno ili privremeno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća kao i drugih ugovora kojima se pribavljaju stvari, odnosno materijalna prava.

Organi i pravna lica iz stava 1. ovog člana dužni su pribaviti saglasnost Gradskog vijeća prije zaključenja ugovora imovinsko-pravne prirode iz stava 2. ovog člana, a u skladu sa Ustavom Kantona, Statutom Grada i zakonom, a ukoliko na te ugovore nije pribavljeno mišljenje Pravobranilaštva, Općinsko vijeće ih neće razmatrati, odnosno odbit će davanje saglasnost.

Nije obavezno pribavljanje pravnog mišljenja Pravobranilaštva kada je predmet ugovora iz stava 2. ovog člana pokretna stvar ili imovinska prava čija vrijednost ne prelazi 5.000,00 konvertibilnih maraka, niti saglasnost Gradskog vijeća.

Pravobranilaštvo daje mišljenje iz stava 1. i 2. ovog člana najkasnije u roku od 15 dana od prijema zahtjeva i potrebne dokumentacije, a u naročito složenim slučajevima u roku od 30 dana.

O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava organ koji je ovlašten da vrši nadzor nad radom tog organa ili organizacije i Gradskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 6. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka, ovlašteno lice je dužno obavijestiti Pravobranilaštvo.

Član 15.

Organi i pravna lica iz člana 6. ove odluke dužni su zaključeni ugovor imovinsko-pravne prirode dostaviti Pravobranilaštvu u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništavan, podnijeće tužbu za utvrđivanje ništavnosti, a u slučaju da ugovorena cijena ne odgovara prometnoj vrijednosti-tužbu za poništenje ugovora ili izmjenu ugovora.

2. Organizacija Pravobranilaštva

Član 16.

Funkciju Pravobranilaštva vrši gradski pravobranilac (u daljem tekstu: pravobranilac).

Pravobranilac predstavlja pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i ovom odlukom.

Kada je pravobranilac spriječen, odsutan ili nije izabran zamjenjuje ga zamjenik Pravobranioca.

Kada su Pravobranilac i Zamjenik pravobranioca spriječeni, odsutni ili nisu izabrani zamjenjuje ih stručni savjetnik uz posebno ovlaštenje Pravobranioca, zamjenika Pravobranioca ili Gradonačelnika.

Član 17.

Pravobranioca i zamjenika pravobranioca imenuje i razrješava vršenja službe Gradsko vijeće na prijedlog Gradonačelnika.

Pravobranilac ima dva (2) zamjenika.

Postupak imenovanja pravobranioca i njegovih zamjenika (u daljem tekstu: zamjenik) provodi se u skladu sa Zakonom o pravobranilaštvu, ovom odlukom i drugim zakonima kojima je uređen postupak imenovanja.

Postupak prijema stručnog savjetnika provodi se u skladu sa odredbama Zakona o državnoj službi F BiH.

Član 18.

Zamjenik pravobranioca vrši poslove iz djelokruga pravobranilaštva koje odredi pravobranilac. U zastupanju pred sudovima i drugim organima zamjenik pravobranioca ima ovlaštenje pravobranioca.

Član 19.

Za gradskog pravobranioca i njegovog zamjenika može biti imenovano lice koje je državljanin Bosne i Hercegovine i Federacije Bosne i Hercegovine, koji je diplomirani pravnik ili Bakalaureat Bachelor prava sa ostvarenih 240 ECTS studijskih bodova Bolonjskog sistema studiranja i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje dvije (2) godine i koje posjeduje najviše moralne osobine za obavljanje službe pravobranilaštva.

Član 20.

Pravobranilac se imenuje na period od četiri godine i može biti ponovo imenovan. Zamjenik pravobranioca imenuje se bez ograničenja trajanja mandata.

Pravobranilac koji ne bude ponovo imenovan raspoređuje se na mjesto zamjenika pravobranilaca ako je upražnjeno, a ako nije, raspoređuje se na mjesta stručnog savjetnika u Pravobranilaštvu ili Gradskom organu uprave u skladu sa svojim stručnim kvalifikacijama.

Rješenje a raspoređivanju pravobranioca na mjesto zamjenika pravobranioca donosi Gradsko vijeće, a na mjesto stručnog savjetnika Gradonačelnik, najkasnije u roku od tri mjeseca od dana prestanka funkcije pravobranioca .

Ako pravobranilac ne prihvati raspored na poslove po rješenju nadležnog organa, prestaje mu radni odnos u roku od 30 dana od dana donošenja rješenja.

Član 21.

Pravobranilac i njegov zamjenik prije stupanja na dužnost daju svečanu izjavu pred predsjedavajućim Gradskog vijeća.

Svečana izjava glasi:

„Izjavljujem da ću se u vršenju službe pravobranioca-zamjenika pravobranioca pridržavati Ustava i zakona Bosne i Hercegovine, Federacije Bosne i Hercegovine, HNK, Statuta i drugih propisa Grada Konjica i da ću službu vršiti savjesno“.

Član 22.

Pravobranilac i zamjenik pravobranioca dužni su da čuvaju ugled Pravobranilaštva i svoj ugled.

Pravobranilac i zamjenik pravobranioca ne mogu vršiti inokosnu funkciju niti biti članovi izvršnog tijela političke organizacije.

Pravobranilac i zamjenik pravobranioca ne mogu vršiti drugu službu ili posao koji bi mogao uticati na njihovu samostalnost ili nezavisnost ili bi umanjivao njihov društveni ugled ili koji je inače nespojiv sa vršenjem dužnosti u Pravobranilaštvu.

O nespojivosti službe ili posla iz prethodnog stava odlučuje Ministarstvo pravosuđa Kantona.

Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

Član 23.

Pravobraniocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioca funkcije prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz stava 1. i 2. donosi se odluka o razrješenju.

Član 24.

Postupak smjenjivanja pravobranioca i zamjenika pravobranioca pokreće se i sprovodi u skladu sa zakonom.

U postupku smjenjivanja pravobranioca i zamjenika pravobranioca omogućit će im se da se izjasne o razlozima smjenjivanja.

Član 25.

Pravobranilac i zamjenik pravobranioca mogu biti udaljeni od vršenja službe u skladu sa zakonom.

Odluku o udaljenju od vršenja službe donosi Gradsko vijeće na prijedlog Gradonačelnika.

Član 26.

Pravobranilac i zamjenik pravobranioca mogu podnijeti ostavku na vršenje službe. Ostavku podnose Gradskom vijeću, a vršenje službe prestaje danom razrješenja zbog podnesene ostavke, a najkasnije u roku od 30. dana od dana podnošenja ostavke.

Član 27.

Odredbе zakona o parničnom postupku i o izuzeću sudija ili sudija porotnika koje se primjenjuju na području Kantona shodno se primjenjuju i na izuzeće pravobranioca i zamjenika pravobranioca.

Član 28.

U Pravobranilaštvu postoji određeni broj službenika namještenika za vršenje stručnih administrativnih poslova.

Član 29.

U Pravobranilaštvu postoji potreban broj stručnih savjetnika za vršenje stručnih poslova utvrđenih Zakonom.

Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje jednu godinu radnog iskustva na pravnim poslovima

nakon položenog pravosudnog ispita .

Stručni savjetnik pomaže pravobraniocu, odnosno zamjeniku pravobranioaca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputstvima pravobranioaca odnosno zamjenika pravobranioaca, obavlja druge stručne poslove predviđene zakonom.

Član 30.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvo se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

Član 31.

Radi osposobljavanja za samostalan radi i stručnog obučavanja koje je uslov za polaganje pravosudnog ispita, u Pravobranilaštvo se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa (volonterski rad).

Odredbe ove Odluke koje se odnose na pripravnike, shodno se primjenjuju i na lica koja se stručno usavršavaju bez zasnivanja radnog odnosa .

Član 32.

Unutrašnju organizaciju u Pravobranilaštvo,osim broja zamjenika, utvrđuje Pravobranilac, Pravilnikom o unutrašnjoj organizaciji po prethodno pribavljenoj saglasnosti Gradonačelnika.

Član 33.

Pravobranilaštvo podnosi Gradskom vijeću i Gradonačelniku izvještaj o svom radu, kao i o uočenom pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

III RADNO –PRAVNI STATUS PRAVOBRANIOCA I ZAMJENIKA PRAO VOBRANIOCA

Član 34.

Rješenje o plaći i naknadama pravobranioaca, zamjenika pravobranioaca i stručnog savjetnika donosi Gradonačelnik.

Koeficijenti za plaću Pravobranioaca, zamjenika Pravobranioaca i stručnog savjetnika utvrđuje se shodno platnim razredima čl.9. Zakona o plaćama i naknadama u organima vlasti FBiH (Sl.novine 45/2000,111/2012,20/2017,22/2019), to:

- Pravobranilac IX platni razrez,
- Zamjenik Pravobranioaca X platni razrez
- Stručni savjetnik XII platni razrez

Za plate i naknade namještenika primjenit će se propisi koji važe za sve druge namještenike zaposlene u Gradskoj upravi Grada Konjica

Osnovica za obračun plaće zaposlenih u pravobranilaštvo ista je kao i za sve druge zaposlene u u organima uprave grada Konjica.

Suglasnost Gradskog vijeća za visinu predloženih koeficijenata iskazuje se usvajanjem ove odluke.

Stupanjem na snagu ove odluke prestaju važiti sve ranije odluke kojima su regulisane plate i naknade pravobranioca, zamjenika pravobranioca i stručnog savjetnika.

Član 35.

Na prava i obaveze pravobranioca, zamjenika pravobranioca i drugih radnika koje se odnose na radno-pravni status, koja nisu uređena Zakonom o Pravobranilaštvu i ovom odlukom, primjenjuju se propisi kojima se uređuju prava i dužnosti državnih službenika u Federaciji Bosne i Hercegovine, kao i opći propisi o radu i kolektivni ugovori.

IV SREDSTVA ZA RAD PRAVOBRANILASTVA

Član 36.

Sredstva za rad Pravobranilaštva obezbjeđuju se u budžetu Grada Konjica.

Sredstva za rad javnih pravobranilaštava obuhvataju sredstva za obavljanje redovne djelatnosti (plaće zaposlenih, materijalni troškovi, amortizacija) i sredstva za posebne namjene.

Član 37.

Finansijsko i materijalno poslovanje Pravobranilaštva obavlja se na način kako je propisano za organe državne uprave i obavljaju ga stručne službe Gradske uprave. Pravobranilac je nalogodavac za izvršenje finansijskog plana pravobranilaštva

Član 38.

Za radnje preduzete u zastupanju pred sudovima i drugim organima i tijelima u slučaju iz člana 9. ove Odluke, Pravobranilaštvo ima pravo na naknadu i nagradu troškova prema tarifi o nagradama i naknadi troškova za rad advokata.

Sredstva koja prilikom zastupanja ostvari Pravobranilaštvo prihod su Budžeta Grada.

Član 39.

Pravobranioocu koji ne bude ponovo imenovan, isplaćivat će se za vrijeme od šest (6) mjeseci po prestanku pravobranilačke dužnosti plaća i druga primanja, ukoliko u tom roku ne započne sa radom na drugom radnom mjestu.

Plaća iz st.1. ovog člana neće se isplaćivati ukoliko pravobranilac ne prihvati raspored iz čl.20. ove odluke ili ukoliko ispunjava potreban penzioni staž za odlazak u penziju.

V PRELAZNE I ZAVRŠNE ODREDBE

Član 40.

Pravobranilac će u roku od 30 dana od dana usvajanja ove odluke uz prethodnu saglasnost Gradonačelnika donijeti Pravilnik o unutrašnjoj organizaciji Pravobranilaštva.

Član 41.

Na rad Pravobranilaštva, ako ta pitanja nisu uređena ovom Odlukom, shodno će se primjenjivati Zakon o pravobranilaštvu i drugi propisi HNK-a.

Član 42.

Stupanja na snagu ove Odluke, prestaju važiti sve ranije odluke kojima je regulisana materija sadržana u ovoj odluci.

Član 43.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-1679/23
Konjic, 31.05.2023. godine

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine Federacije BiH“ broj: 12/03, 34/03 i 65/13) člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06, 51/09) i člana 16. Statuta Grada Konjica (Službeni glasnik Grada Konjica broj: 10/22) Gradsko vijeće Grada Konjica na sjednici održanoj dana 31.05.2023. godine **d o n o s i**

R J E Š E N J E

o konačnom imenovanju predsjednika i članova Upravnog odbora JU Dječije obdanište "Zulejha Begeta" Konjic

Član 1.

Imenuju se Upravnog odbora JU Dječije obdanište "Zulejha Begeta" Konjic i to:

1. Hebibović Šejla, predsjednik,
2. Džajić Senaid, član,
3. Enela Landžo, član,
4. Piriya Adisa, član,
5. Alikadić Jasmina, član.

Član 2.

Predsjednik i članovi Upravnog odbora iz člana 1.ovog Rješenja imenuju se na mandatni period od (četiri) godine.

Član 3 .

Stavlja se van snage Rješenje Gradskog vijeća broj :03-02-2-446/23 od 31.03.2023. godine.

Član 4 .

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-3135/23
Konjic, 31.05.2023. godine

Na osnovu člana 16. Statuta Grada Konjica („Službeni glasnik Grada Konjica“ broj:10/22) Gradsko vijeće Konjic na sjednici održanoj dana 31.05.2023.godine **d o n o s i**

O D L U K U

Član 1.

Ovom Odlukom usvaja se Program rada i finansiski plan Agencije za ekonomski razvoj „Prvi Korak“ d.o.o.Konjic za 2023. godinu

Član 2.

Sastavni dio Odluke je Program rada i finansiski plan Agencije za ekonomski razvoj „Prvi Korak“ d.o.o.Konjic za 2023. godinu.

Član 3.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Zamjenik Predsjednika Gradskog vijeća
Ajdin Tinjak, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2746/23
Konjic, 31.05.2023. godine

Na osnovu člana 16. Statuta Grada Konjica („Službeni glasnik Grad Konjica“ broj:10/22) Gradsko vijeće Konjic na sjednici održanoj dana 31.05.2023.godine **d o n o s i**

O D L U K U

Član 1.

Ovom Odlukom usvaja se Izvještaj o radu RTV d.o.o.Konjic za 2022.godinu (sa priložima).

Član 2.

Sastavni dio Odluke je se Izvještaj o radu RTV d.o.o.Konjic za 2022.godinu (sa priložima).

Član 3.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-2524/23
Konjic, 31.05.2023.godine

Na osnovu člana 16. Statuta Grada Konjica („Službeni glasnik Grad Konjica“ broj:10/22) Gradsko vijeće Konjic na sjednici održanoj dana 31.05.2023.godine **d o n o s i**

O D L U K U

Član 1.

Ovom Odlukom usvaja se Izvještaj o radu Ustanove Narodni univerzitet Konjic u Konjicu za 2022.godinu (sa priložima);

Član 2.

Sastavni dio Odluke je se Izvještaj o radu Ustanove Narodni univerzitet Konjic u Konjicu za 2022.godinu (sa priložima);

Član 3.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD KONJIC
GRADSKO VIJEĆE

Broj: 03-02-2-2405/23
Konjic, 31.05.2023. godine

Na osnovu člana 16. Statuta Grada Konjica („Službeni glasnik Grada Konjica“ broj:10/22) Gradsko vijeće Konjic na sjednici održanoj dana 31.05.2023.godine **d o n o s i**

ODLUKU

Član 1.

Ovom Odlukom usvaja se Izvještaj o radu „Saveza Poljoprivrednih udruženja Konjic“ za 2022 godinu.

Član 2.

Sastavni dio Odluke je se Izvještaj o radu „Saveza Poljoprivrednih udruženja Konjic“ za 2022 godinu..

Član 3.

Odluka stupa na snagu danom objavljivanja u "Službenom glasniku Grada Konjica" i ima se objaviti na Oglasnoj tabli Grada Konjica.

Predsjednik Gradskog vijeća
Kenan Greda, s.r.

IZVOD IZ REGISTRA BUDŽETSKIH KORISNIKA ZA 2024. GODINU

R/B	RBK broj	NAZIV	ADRESA	ID BROJ
1	0001	Jedinstveni organ uprave	Ul. Maršala Tita br. 62, Konjic	4227204140005
2	0002	Javno pravobranilaštvo Grada Konjica	Ul. Maršala Tita br. 62, Konjic	4227738950002
3	0003	JU Centar za socijalni rad Konjic	Ul. Maršala Tita br. 62, Konjic	4227192200007

IZDAJE GRAD KONJIC

GRADSKO VIJEĆE
Tel: +387 36 712 232

SLUŽBENI GLASNIK IZLAZI PO POTREBI